



IOdocus natione Germanus felici ingenio præditus, operam literis dedit, atq; in patria earum fundamenta egregiè iecit. Postea ad varias academiâs, præsertim Saxonicas, sese cõtulit, et in ijs tanta diligentia liberalibus studijs, Philosophiâ, Medicinæ, et Theologiæ incubuit, ut uiris doctissimis adnumeraretur. Cum hoc modo omnifaria eruditione ornatus esset, Franckofortum ad Viadrum peruenit, atq; in eo Gymnasio optimas quasque artes docuit. quin etiam Medicinæ Doctor creatus, eam scientiam exercuit, atq; Ioachimo 2. Electori Brandeburgico gratisissimus extitit. Scripsit is varias lucubrationes, Philosophicas, Medicas,

Poëticas, & Theologicas, quibus magnum sibi nomen comparauit, atq; ingenij sui documenta posteritati ostendit. utpote Erotematum Dialectices lib. 3. qui hodie non immeritò in omnium studiosorū manibus circumferunt, dum exempla ex omni genere scientiarum præceptis accommodat: Arithmetices lib. 3. Profodiam: de prononciatione Rhetorica: Orthographiæ institutiones: Commentariolum de uerborum copia. præterea Annotationes in Bucolica & Georgica Vergilij: Chronologiam in Vergilij Aeneida: Isagogè in Aristotelis, Alberti Magni, & Pontani Meteora libris tribus: Omnium artium & disciplinarum formandarum opusculum: Commētarium Anatomicum, in quo est omnium partium corporis humani diligens enumeratio: Dialogum de locustis. Tãdem etiam obseruationes in Lactantium de opificio Dei: Commentaria in utranq; Epistolam Pauli ad Thimotheum: Expositiones in Euangelia dominicalia: Commentaria in Haggeum in Ionam Prophetam Ecphrasin compendiosissimam, atq; totius Christianæ Cateseos explicationem, cum alijs huiusmodi, quæ partim Basileæ anno 1540, partim Franckoforti ad Viadrum 1549 sunt edita. Itaq; cum tantus Vuilichius fuerit, eum meritò hoc loco præclaris Germaniæ incolis adijciendum putauit. Con. Gess.

in Biblioth.